

МАМЛАКАТ ИҚТИСОДИЁТИНИ РИВОЖЛАНТИРИШДА ХОРИЖИЙ  
ИНВЕСТИЦИЯЛАРНИНГ ЎРНИ

Разикова Гулмира Шарифовна -

Тошкент давлат иқтисодиёт университети, катта ўқитувчи

**Аннотация.** Ушбу мақолада хорижий инвестицияларнинг аҳамияти ва уларни миллий иқтисодиётни ривожлантиришдаги ўрни ёритилган бўлиб, статистик маълумотлар асосида таҳлил қилинган. Шунингдек, мақолада миллий иқтисодиётга хорижий инвестицияларни жалб қилишда мавжуд муаммолар ва уларни олдини олишни фаоллаштиришда қандай чора-тадбирлардан фойдаланиш кераклиги кенг ёритилган.

**Калит сўзлар:** Инвестиция, хорижий инвестиция, тўғридан-тўғри хорижий инвестиция, портфель инвестиция, инвестор, капитал экспорти, устав капитал, дивиденд, тадбиркорлик фойдаси, экспорт, импорт.

РОЛЬ ИНОСТРАННЫХ ИНВЕСТИЦИЙ В РАЗВИТИИ  
ЭКОНОМИКИ СТРАНЫ

Разикова Гулмира Шарифовна -

Ташкентский государственный экономический университет, старший преподаватель

**Аннотация.** В статье обсуждается важность иностранных инвестиций и их роль в развитии национальной экономики и анализируется на основе статистических данных. В статье также рассматриваются существующие проблемы с привлечением иностранных инвестиций в национальную экономику и какие меры следует предпринять, чтобы усилить их предотвращение.

**Ключевые слова:** инвестиции, иностранные инвестиции, прямые иностранные инвестиции, портфельные инвестиции, инвестор, вывоз капитала, уставный капитал, дивиденды, прибыль бизнеса, экспорт, импорт.

THE ROLE OF FOREIGN INVESTMENT IN THE DEVELOPMENT OF THE COUNTRY'S ECONOMY

Razikova Gulmira Sharifovna -

Tashkent State University of Economics, senior lecturer

**Annotation.** This article discusses the importance of foreign investment and their role in the development of the national economy and analyzes it on the basis of statistical data. The article also discusses the existing problems in attracting foreign investment to the national economy and what measures should be taken to intensify their prevention.

**Keywords:** Investment, foreign investment, foreign direct investment, portfolio investment, investor, capital export, charter capital, dividend, business profit, export, import.

**Кириш.** Ўзбекистон иқтисодиётини жадал ривожлантириш ва ишлаб чиқаришда инновацияларни жорий қилиш ҳамда иқтисодиётда макроиқтисодий барқарорлик ва иқтисодий ўсишнинг юқори суръатларини таъминлашда инвестициялар, шу жумладан, хорижий инвестициялар беқиёс ўрин тутди. Инвестицияларга бўлган эътиборнинг кучайиши бугунги кунга келиб, мамлакатимиздаги инвестицион фаолиятнинг ривожлантирилишига олиб келди. Бу борада эришилган аниқ ютуқ ва муваффақиятларнинг кенг ва атрофлича таҳлили, шу асосдаги муҳим амалий хулосалар, келгусида эътибор қаратишимиз лозим бўлган энг долзарб масалалар орасида мамлакатимиз тараққиётининг устувор йўналишлари ва ривожланиш дастурларини белгилашда, албатта, асосий эътибор хорижий инвестицияларга қаратилаётганлигини таъкидлаш керак [1].

Ўзбекистон Республикаси Президенти Шавкат Мирзиёев томонидан қабул қилинган “Ўзбекистон Республикасини янада ривожлан-

тириш бўйича Ҳаракатлар стратегияси тўғрисида”ги Фармонида олиб борилаётган ислохотлар самарасини янада ошириш, давлат ва жамиятнинг ҳар томонлама ва жадал ривожланиши учун шарт-шароитлар яратиш, мамлакатимизни модернизация қилиш ҳамда ҳаётнинг барча соҳаларини либераллаштириш бўйича устувор йўналишларни амалга ошириш мақсадида 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси тасдиқланди [2]. Ушбу ҳаракатлар стратегиясида иқтисодиётни ривожлантириш ва либераллаштиришнинг устувор йўналишларидан бири бу – инвестиция муҳитини такомиллаштириш, мамлакат иқтисодиёти тармоқлари ва ҳудудларига хорижий, энг аввало, тўғридан-тўғри хорижий инвестицияларни фаол жалб қилишдан иборат. Шунинг учун ҳам, хорижий инвестицияларни жалб этмай, айниқса, етакчи тармоқларда чет эл инвестициялари иштирокини кенгайтирмай туриб, иқтисодиётда таркибий ўзгаришларни

амалга ошириш ва уни модернизация қилиш, корхоналарни замонавий техника билан қайта жиҳозлаш ҳамда рақобатдош маҳсулотни ишлаб чиқаришни йўлга қўйиш мумкин эмас. Мамлакатимиз иқтисодиётига хорижий инвестицияларнинг жалб этилиши унинг иқтисодий имкониятларининг кенгайишини тезлаштириб, барча соҳаларда ички имконият ва резервларни ишга солиш, янги техника ва технология, экспортбоп товарларни ўзлаштириш, уларни ишлаб чиқаришни йўлга қўйиш орқали давлатимиз иқтисодий қудратини таъминлашда муҳим аҳамият касб этади.

**Мавзуга оид адабиётлар таҳлили.** Мамлакатимиз иқтисодчи олимларидан А.Вахабов, Ш.Ҳажибакиев, Н.Мўминов, Д.Ғозибеков, Д.Тожибоева, Киев, Н.Мўминов, Д.Ғозибеков, Д.Тожибоева, Махмудовалар томонидан инвестицияларнинг иқтисодий моҳияти юзасидан илмий изланишлар олиб борилган ва муносабат билдирилган. А.Вахабов, Ш.Ҳажибакиев, Н.Мўминовлар томонидан инвестицияларнинг мазмун-моҳияти бўйича баён этилган таърифда: «инвестициялар - фойда олиш ҳамда ижобий ижтимоий самарага эришиш мақсадида тадбиркорлик объектларига ва бошқа фаолият турларига қўйиладиган пул маблағлари, банкларнинг мақсадли омонатлари, акциялар, бошқа қимматли қоғозлар, технологиялар, машиналар, ускуналар, лицензиялар, кредитлар, ҳар қандай бошқа мол-мулк ёки мулк хуқуқлар, интеллектуал бойликлар», деб таърифланган [3 с. 24].

Хорижий инвестицияларнинг умумий таърифи Ф. Хениуснинг 1947 йил АҚШда чоп этилган ташқи савдо луғатининг 2-нашрида қўйидагича берилган: “Хорижий инвестициялар – бу бир мамлакат ҳудудидан иккинчи мамлакат ҳудудига киритилган, экспорт қилинган инвестициялар” [4 с. 35]. Бундан ташқари, профессор Д.Ғозибековнинг хорижий инвестициялар тўғрисидаги назарий қарашларида қўйидаги фикрлар баён этилган: “Чет эл инвестициялари бир иқтисодиёт субъекти капиталини ўзга иқтисодиётга муайян муддатга боғлаш бўлиб, ички инвестициялардан рисклар кенглиги билан фарқланган ҳолда, хуқуқий шароитларнинг, инвестиция муҳитининг ўзгариши билан тавсифланади ва натижада мамлакатлар ва минтақалар бўйлаб капитал кўчиши юз беради” [5 с. 14]. Ушбу фикрлардан шундай хулоса қилиш мумкинки, хорижий инвестициялар бир мамлакат иқтисодиётидан мутлоқ бошқа давлат иқтисодиётига кўчувчи капитал бўлиб, у рисклар доираси кенглиги билан ички инвестициялардан фарқланади. Шунингдек, иқтисод фанлари доктори Н.Қўзиёваннинг илмий ишларида хорижий инвестицияларнинг моҳияти тўғрисида: “Келгуси-

да фойда олиш мақсадида капитални экспорт қилувчи хорижий давлатлар, юридик ва жисмоний шахсларнинг капитални қабул қилувчи мамлакатларга турли кўринишдаги бойликлар (кўчар, кўчмас мол-мулк, интеллектуал бойликлар ва бошқалар) ва улардан олинган даромадлар (фойда, фоизлар, дивидендлар, лицензия ва комиссия мукофотлар, роялти, техник таъминот ва бошқа мукофотлар)ни қўйилишига хорижий инвестициялар дейилади” [6 с. 66] деган таъриф келтирилган. Олиманинг фикрича, хорижий инвестицияларни турли белгиларига асосланган ҳолда таснифлаш уларнинг иқтисодий моҳиятини янада ойдинлаштиради.

Ш.Қ.Фозилчаев ва Н.Ғ. Хидировларнинг “Инвестиция ва лизинг асослари” китобида хорижий инвестицияга қўйидагича таъриф келтирилган: “Хорижий инвестициялар - бу чет эл инвесторлари томонидан юқори даражада даромад олиш, самарага эришиш мақсадида мутлоқ бошқа давлат иқтисодиётининг, тадбиркорлик ва бошқа фаолиятларига сафарбар этадиган барча мулк, молиявий, интеллектуал бойлик К.В. Балдин, В.М.Аскинадзи, В.Ф. Максимов, Э.С. Хазанович, Али Салим, Муҳаммад Реза Разави, Лиу Ванг ва Н.Ғ.Каримов, Ш.Х.Ҳажибакиев, Н.Ғ.Мўминов, Ш.И.Мустафақулов, М.А.Раимжонов, Б.С.Маматов, Д.Ю. Хўжамқуловларнинг илмий ишларида инвестицион муҳит жозибадорлиги, миллий иқтисодиётга хорижий инвестицияларни жалб қилиш муаммоларига бағишланган масалалар кўриб чиқилган [8].

**Асосий қисм.** Инвестиция муҳитининг ҳолатини инвестиция фаолиятини амалга оширишнинг мақсадга мувофиқлиги ва жозибадорлигини аниқлайдиган иқтисодий, ижтимоий, ташкилий, хуқуқий, сиёсий, экологик ва бошқа шарт-шароитларнинг умумлаштирувчи хусусиятлари белгилаб беради. Инвестиция муҳити деганда, мамлакат иқтисодиёти ёки унинг маълум бир ҳудудига киритиладиган инвестицияларнинг самарадорлигини ва ҳавфсизлигини таъминлашга қаратилган иқтисодий, ижтимоий, сиёсий, ташкилий-хуқуқий, экологик, маданий ва бошқа шарт-шароитлар мажмуаси тушунилади. У муайян ҳудудга инвестициялар киритишнинг мақсадга мувофиқлиги ва жозибадорлигини белгилайдиган шарт-шароитларнинг мавжуд ижобий ва салбий томонларини англатади. 2020 йил молиялаштириш манбалари бўйича асосий капиталга ўзлаштирилган инвестициялар ичида чет эл инвестициялари ва кредитлари улуши 42,9 %ни, вилоятлар кесимида эса Навоий вилояти 70,8 %ни ташкил қилди. Бу еса ўз навбатида мамлакатни иқтисодий ўсишга ўз ҳиссасини қўшмоқда (1-жадвал).

2020 йил молиялаштириш манбалари бўйича асосий капиталга ўзлаштирилган инвестициялар таркиби (жами фоизда) [9]

	Корхоналар ва аҳолининг ўз воситалари	Қабул қилинган маблағлар	улардан:		
			давлат бюджети	банкларнинг кредитлари ва бошқа қарз маблағлари	чет эл инвестициялари ва кредитлари
2020 йил январ-декабр					
Ўзбекистон Республикаси	34,6	65,4	6,5	14,1	42,9
Қорақалпоғистон Республикаси вилоятлар:	34,1	65,9	10,9	7,0	46,0
Андижон	39,1	60,9	6,8	12,9	40,0
Бухоро	34,7	65,3	5,9	9,5	49,5
Жиззах	31,6	68,4	5,4	15,2	45,6
Қашқадарё	23,4	76,6	3,6	4,5	66,8
Навоий	17,7	82,3	1,9	7,6	70,8
Наманган	37,8	62,2	5,2	24,4	31,7
Самарқанд	43,5	56,5	6,8	18,9	29,4
Сурхондарё	21,2	78,8	6,9	8,7	62,1
Сирдарё	30,2	69,8	7,5	16,3	43,4
Тошкент	47,5	52,5	10,1	8,0	30,8
Фарғона	29,0	71,0	6,3	24,3	39,6
Хоразм	41,7	58,3	7,0	21,2	27,0
Тошкент ш.	40,9	59,1	6,6	19,0	31,5

Манба: [www.stat.uz](http://www.stat.uz) маълумотлари асосида муаллиф томонидан тузилди.

Миллий иқтисодий ривожлантиришда хорижий инвестицияларнинг аҳамияти катта бўлиб, у қуйидагилар билан изоҳланади:

*биринчидан*, ишлаб чиқаришга замонавий техника ва технологияларни жорий этиб, экспортга мўлжалланган маҳсулотларни ишлаб чиқаришни ривожлантиради;

*иккинчидан*, импорт ўрнини босувчи товар ишлаб чиқаришни йўлга қўйиш ва бунинг учун хорижий инвестицияларни иқтисодийнинг устувор соҳаларига йўналтириш ва пировардида аҳолининг меъёрдаги турмуш даражасини таъминлаш имконини яратади;

*учинчидан*, кичик бизнесни, хусусий тадбиркорликни ривожлантириш ва қишлоқ хўжалиги ишлаб чиқаришини жадаллаштириш орқа-

ли ўсиб бораётган аҳолини иш жойлари билан таъминлайди;

*тўртинчидан*, корхоналарнинг эскирган ишлаб чиқариш қувватларини, моддий техник базасини янгилайди ва техник қайта қуроллантиради;

*бешинчидан*, табиий ресурсларни қайта ишловчи корхоналарни барпо этишга кўмаклашади, давлат бюджетига солиқ тушумининг келиб тушиши кўпаяди [10].

Хорижий инвестицияларнинг миллий иқтисодийга кенг миқёсда жалб этиш ўтиш даврининг стратегик ва жорий вазибаларини ҳал этиш зарурияти билан боғлиқ. Ушбу вазибаларни бажариш натижасида ўтган йилларда инвестицияларнинг ўсиши жадаллашди.

Инвестицион жозибдорликни акс этадиган кўрсаткичлар тизими [11]

Гуруҳ	Кўрсаткич
Иқтисодий жозибдорлик	Макроиқтисодий барқарорлик (mb)
	Меҳнат бозорининг самарадорлиги (mbs)
	Инфратузилмаларнинг сифати (is)
	Институтларнинг сифати даражаси (isd)
	Ички бозорнинг имконияти/ҳажми (ibh)
	Технологияларнинг ривожланиш даражаси (trd)
	Инновацион салоҳият (is)
Ҳуқуқий жозибдорлик	Ҳуқуқий нуқтаи назардан бизнес қилиш учун яратилган қулай шароитлар
Инвестициялаш жараёнида рисклар	Демографик босимнинг даражаси (dbd)
	Олиб борилаётган сиёсатдан ва ҳаётдан норози бўлган аҳолининг қатлами (nb)
	Давлат тузилмаларида авж олган коррупция ҳолати (dtk)
	Инсон ҳуқуқ ва эркинликларининг поймол бўлиш даражаси (ihpb)
	Юқори бошқарув гуруҳларининг таъсир кўрсатиш даражаси (ybog)
	Давлат ҳавфсизлик органларининг таъсир кўрсатиш даражаси (dxot)
	Бошқа давлат/худудларнинг таъсир кўрсатиш даражаси (bt)

Бутунжаҳон иқтисодий форуми иқтисодий жозибаторликни аниқлашда қуйидаги формуладан фойдаланади:

$$IJ = mb + mbs + is + isd + ibh + trd + is \quad (1)$$

IJ - “Иқтисодий жозибаторлик” бўйича давлатга берилган балл.

Хуқуқий жозибаторликни аниқлашда “бизнесни юрийтиш” рейтингидан фойдаланилади. Бу ерда, HJ - хуқуқий жозибаторлик; DB – “Doing Business” да давлатнинг рейтинги.

$$\text{риск} = \frac{1}{dbd+nb+dtk+ihepb+ybog+dxot+bt} \quad (2)$$

Бу ерда, риск - инвестициялаш жараёнида рискнинг мавжудлиги даражаси: кўрсаткич қиймати қанчалик катта бўлса, капитал қўйилмаларни жойлаштириш риск даражаси шунчалик кичик бўлади[12]. Қолаверса мамлакатимизда асосий капиталга ўзлаштирилган инвестициялар ҳажми ҳам ошиб бормоқда. Биргина, Тошкент шаҳрида 2017 йилда 13573,7 млрд сўмни, 2018 йилда эса 26435,7 млрд сўмни етган бўлса 2020 йилга келиб 44778,8 млрд сўмни ташкил қилган (3-жадвал).

**3-жадвал**

**Асосий капиталга ўзлаштирилган инвестициялар (жорий нархларда, млрд. сўм) [13]**

	2015	2016	2017	2018	2019	2020 йил январ-декабр
Ўзбекистон Республикаси	<b>44810,4</b>	<b>51232,0</b>	<b>72155,2</b>	<b>124231,3</b>	<b>195927,3</b>	<b>202000,1</b>
	6021,2	3778,3	2822,0	6757,8	8750,6	8167,4
вилоятлар:						
Андижон	1956,5	2188,5	2986,0	4711,9	7452,1	8755,1
Бухоро	4075,9	5922,9	11613,4	9610,9	10366,6	11248,7
Жиззах	1304,9	1449,7	1788,2	3606,3	7900,9	12974,2
Қашқадарё	5894,7	7304,4	11175,3	16518,5	24462,5	19921,7
Навоий	1809,1	2963,2	3977,9	10579,5	17646,3	16042,6
Наманган	2227,5	2824,5	3586,7	8158,1	12084,9	11982,5
Самарқанд	3237,2	3623,5	4384,2	7061,4	10266,7	13426,0
Сурхондарё	1843,6	2142,4	3551,0	7240,6	11835,1	9923,0
Сирдарё	1083,3	1322,9	1628,0	2699,3	5869,1	7174,5
Тошкент	4428,1	4238,7	5938,4	11226,9	20353,9	18994,4
Фарғона	2542,3	2643,6	2954,5	5539,1	8685,4	11320,0
Хоразм	1531,5	1560,5	2175,9	3013,8	5032,0	6663,2
Тошкент ш.	6854,6	9268,9	13573,7	26435,7	42458,1	44778,8

*Манба: [www.stat.uz](http://www.stat.uz) маълумотлари асосида муаллиф томонидан тузилди.*

**Хулоса ва таклифлар.** Хорижий инвестициялар иштирокидаги янги корхоналар сонинг тобора ортиб бориши ва янгилари барпо этилаётгани давлатимизнинг бу соҳага бўлган катта эътибори ва уларга яратиб бераётган қулайликлари натижасидир[14]. Шу боисдан ҳам мамлакатимизга хорижий сармояларни жалб этаётган корхоналарни иқтисодий рағбатлантириш ва улар учун зарур шароитларни яратиб бериш ўта муҳим масалалардан бири ҳисобланади. Шунинг учун ҳам миллий иқтисодиётимизга хорижий инвестицияларни жалб қилишни фаоллаштиришда қуйидаги чора-тадбирларни амалга ошириш зарур:

*биринчидан*, инфляция даражасини инвестицион лойиҳалар қиймат ўсишига таъсирини камайтириш, шунингдек, хорижий инвестициялар ҳажмини янада кўпайтириш;

*иккинчидан*, инвестицияларни реал ишлаб чиқариш соҳасига, яъни хом ашёни қайта ишловчи тармоқларга жалб этиш;

*учинчидан*, чет эл инвесторларига янада қулай инвестиция муҳитини яратиш мақсадида рағбатлантириш тизимини янада такомиллаш-

тириш, хусусан, солиқ юкини камайтириш ва солиқ тизимини инвесторлар учун ҳам соддалаштириш;

*тўрттинчидан*, хорижий иқтисодий субъектлар билан ўзаро манфаатли лойиҳаларни амалга ошириш тизимини такомиллаштириш ва улар билан эркин инвестицион иқтисодий зоналарни ташкил этиш;

*бешинчидан*, инфратузилмаси мавжуд ва ривожланиши қулай бўлган жойларга инвесторларни жалб қилиш орқали саноатни тизимли ривожлантириш.

Юқоридаги таклифларни амалиётда жорий этиш миллий иқтисодиётимизга хорижий инвестицияларни жалб этишни янада фаоллаштиришга ижобий таъсир кўрсатади. Ушбу ҳолат пировардида ишлаб чиқаришни техник ва технологик жиҳатдан узлуксиз янгилаб бориш, иқтисодиётда чуқур таркибий ўзгаришларни амалга ошириш, саноатни модернизация ва диверсификация қилишни изчил давом эттириш асосида, келгусида мамлакатимизда инвестицион сиёсатни тўлиқ амалга ошириш имкониятини яратади.

### *Манба ва фойдаланилган адабиётлар рўйхати:*

1. Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси. «Халқ сўзи» газетаси, 2018 йил 29 декабрь № 271-272 (7229-7230) сони.
2. Ўзбекистон Республикаси Президентининг “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги ПФ-4947-сон Фармони. // “Халқ сўзи”, 8 феврал 2017 йил.
3. Dictionary of International Trade. Global Marketing Strategies, 2015, p.82.
4. Schwarb K. World economic Forum: The Global Competitiveness Report. Geneva: World economic Forum, 2013.
5. Ғозибеков Д. Ғ. Инвестицияларни молиялаштириш масалалари. – Т.: “Молия”, 2003, 45 бет.
6. Қўзиева Н.Р. Хорижий инвестиция иштирокидаги корхоналар фаолиятини рағбатлантиришнинг молия-кредит механизмини такомиллаштириш йўналишлари. Иқт. фан. док. илм. дар. олиш учун ёз. дисс. автореф. – Т.: БМА, 2008, 111 бет.
7. Фозилчаев Ш.Қ., Хидиров Н.Ғ. Инвестиция ва лизинг асослари. Ўқув қўлланма. – Т.: Молия, 2017 йил, 122 бет.
8. Stobaugh R.B. How to Analyze Foreign Investment Climates // Harvard Business Review. 1969. September-October.
9. Республикаси Давлат Статистика қўмитаси расмий веб сайти).
10. [https://www.doingbusiness.org/content/dam/doingBusiness/media/AnnualReports/English/DB2019-report\\_web-version.pdf](https://www.doingbusiness.org/content/dam/doingBusiness/media/AnnualReports/English/DB2019-report_web-version.pdf)
11. Schwarb K. World economic Forum: The Global Competitiveness Report. Geneva: World economic Forum, 2013.
12. Polyxeni Kechagia and Theodore Metaxas. FDI in Central Asia:Uzbekistan. Munchin Personal RePEc Archive. University of Thessaly, Department of Economics, Greece, 2016.

### КИЧИК САНОАТ ЗОНАЛАРИ ИНВЕСТИЦИОН ФАОЛЛИГИНИ ОШИРИШНИНГ СТРАТЕГИК ИМКОНИЯТЛАРИ

*Маннопова Шахноза Элшодовна -*

*Тошкент молия институти мустақил тадқиқотчиси*

**Аннотация.** Мақолада кичик саноат зоналари инвестицион фаоллигини оширишнинг стратегик имкониятлари ва шарт-шароитлари билан боғлиқ жараёнлар тадқиқ этилган. Кичик саноат зоналарида инвестицион фаолликни таъминлаш жараёнига таъсир кўрсатувчи омиллар назарий-услубий жиҳатдан ўрганилган. Кичик саноат зоналари инвестицион фаоллигини оширишга салбий таъсир кўрсатувчи омилларни бартараф этиш йўналишлари ва имкониятлари асосланган. Ўзбекистонда кичик саноат зоналари инвестицион фаоллигини оширишнинг стратегик йўналишларини шакллантиришга доир илмий таклиф ва амалий тавсиялар берилган.

**Калим сўзлар:** кичик саноат зоналари, инвестиция дастури, инвестицион лойиҳа, инвестицион фаоллик, инвестиция сиёсати, инвестицион салоҳият, инвестиция муҳити, инвестицион ресурс.

### СТРАТЕГИЧЕСКИЕ ВОЗМОЖНОСТИ ПОВЫШЕНИЯ ИНВЕСТИЦИОННОЙ АКТИВНОСТИ МАЛЫХ ПРОМЫШЛЕННЫХ ЗОН

*Маннопова Шахноза Элшодовна -*

*Самостоятельный соискатель Ташкентского финансового института*

**Аннотация.** В статье исследуются процессы, связанные со стратегическими возможностями и условиями повышения инвестиционной активности малых промышленных зон. Исследованы теоретико-методологические факторы, влияющие на процесс обеспечения инвестиционной деятельности в малых промышленных зонах. Обоснованы направления и возможности преодоления факторов, негативно влияющих на инвестиционную активность малых промышленных зон. Научные предложения и практические рекомендации по формированию стратегических направлений повышения инвестиционной активности малых промышленных зон в Узбекистане.

**Ключевые слова:** малые индустриальные зоны, инвестиционная программа, инвестиционный проект, инвестиционная деятельность, инвестиционная политика, инвестиционный потенциал, инвестиционная среда, инвестиционный ресурс.

### STRATEGIC OPPORTUNITIES TO INCREASE INVESTMENT ACTIVITY OF SMALL INDUSTRIAL ZONES

*Mannopova Shaxnoza Elshodovna -*

*Scientific Researcher of Tashkent Institute of Finance*

**Annotation.** The article examines the processes associated with the strategic opportunities and conditions for increasing the investment activity of small industrial zones. Theoretical and methodological factors influencing the process of ensuring investment activity in small industrial zones have been studied. The directions and opportunities for overcoming the factors that negatively affect the investment activity of small industrial zones are based. Scientific proposals and practical recommendations on the formation of strategic directions for increasing the investment activity of small industrial zones in Uzbekistan.

**Key words:** small industrial zones, investment program, investment project, investment activity, investment policy, investment potential, investment environment, investment resource.